

泉州府志

第二十五册

卷之四十九

*K 295.7

2

泉州府志

卷三十五

藝文志



泉州府志卷之四十九

循績

明循績九

謝有大

謝廷訓

楊廷相

洪有聲

黃師顏

陳嘉策

王居瓚

蔣廷堅

蘇希棧

劉震臣

林喬楠

陳宗堯

諸葛應科

朱于訓

顏魁槐

洪啓采

趙日崇

陳榮選

李禎

王約

張問仁

黃文炳

許國瓚

黃懋中

陳鳴熙

王明啓

楊啓新

張宇薦

謝望儼

蔡用明

盧居安

黃國賢

楊偉

謝有大字同卿號受謙晉江人萬歷癸酉舉人授新安教諭遷假師令以除害安民爲務吏有受民錢者必置之法不少貸催科無擾聽訟持平以忤上官未一歲署考曰賦稅率用寬徵刑獄槩從末減左遷大埔教諭再遷靖江王府敎授歸居深山中足跡不入城市人莫有知者有大茂德淵深孝友切摯一言一動皆依準繩兩地振鐸以道德爲訓行偃邑敷政以省刑輕賦爲子惠委

運而出仕學不渝林居治草屋三間一櫺不具六十五
歲始生子懋明爲諸生竟得見其孫與曾孫人咸異之
卒年九十二五因山人林如源具狀請何喬遠爲之銘

通志叅

楊商澹栖霞集

王居瓚字圭甫晉江人以禮記舉萬歷癸酉鄉薦授滁州
學正有童子師某同時爲滁判官每當上官前必推重
之曰某有師在上官以此兼重之署州篆撓郡守出寃
獄死罪者一人益著能聲秩滿擢餘干令邑多猾蠹朋
倚逋負急之則譁廉其甚者置之法蠲舊逋與訂期別

所輸賦上下其賞罰期月閒吏無宿蠹而民轉急公亡
何行鹽御史以他事相憾誣劾之調金壇丞邑令故知
其才凡守障戎伍鹽鹺錢穀舳舻獄訟悉以便宜相委
居瓚靡不盡心爲之於是令與丞聲並起上官交薦三
載遷弋陽令將之官竟卒于衢州旅舍年僅五十居瓚
事父母孝上春官聞母訃慟絕歸而病悸久乃瘳父有
外人子物色歸之與家產三之二廣祖父祀田祭日分
胙遍諸宗無闕待母家篤於恩禮得雋後好先秦古書
及世說新語多用之尺牘奏記爲詩亦清穩從順金壇

于孔兼見其行事與撰著皆敬而下之

謝廷訓晉江人萬歷癸酉舉人授江西德化令強毅有守
不以顏色假人戊子己丑游飢躬詣潯關坐以待米舫
之下水者量其多寡予價平糴時長洲相方柄國吳商
多以爲名廷訓不顧并畱之曰吾爲百姓寧恤一官竟
以是獲罪遷王府長史去之曰父老遮道泣送之

西江志

蔣廷堅字國紳晉江人篤行博學而尤精業春秋其持論
鑄意務在明白正大不事影射牽合諸門徒以傳業顯
者衆萬歷初應恩貢授壽昌司訓誦諭山陰爲人坦夷

忠厚號直自將所至訓誨諸士皆先行誼後藝文卻費
贍貧割俸賙急不以寒氊爲吝轉漳州教授以年老歸
囊中裝僅餘半載薄俸猶推以赴人之陋輒爲所逋負
絕無計較嘗書無能翁無創翁以示後人焉

舊志

楊廷相字君贊號鍾魯晉江人嘉靖甲子舉人萬歷甲戌
進士授丹徒知縣以清勤得民譽擢兵科給事中陞吏
科右給事中尋轉左戶科姜應麟以請建儲降雜職極
邊戶部員外沈璟亦以乞定大本降三級調用廷相疏
言一臣以抗直觸天威宜曲賜寬宥仍復

或量加

罰治庶言語不塞廷相沈毅寬厚嘗偕刑部錦衣籍故
相張居正家見尋常刺牘悉火之所保全甚衆建白多
大竅係不屑屑毛舉鵷擊一時閣部稱其得體晉長吏
垣前後九年遷太僕寺少卿太常寺少卿南京太僕寺
卿應天府府尹南京通政使乞骸歸未幾卒廷相雖踐
閱九列自奉儉素不異儒生生平不谿刻求名卒之日
僅敝廬一區薄田數十畝鄉邦莫不稱歎以爲清畏人
知焉裔孫賢錫崇禎甲戌進士歷吏部文選郎中

舊志
系通

蘇希祜字子欽號阜山南安梅山人博涉羣書總角能文
十五試有司輒高等有叢鱗集其書櫝作來鱗賦擬於
楊班十八爲諸生嗣試第一補餼學使朱鎮山衡拔首
泉士檄入五經書院屢困場屋學益勵在京朱衡遣子
維京受業御史葛端肅遣孫曦受業其設教紫雲寺則
楊道賓受業焉年四十領隆慶庚午鄉薦萬歷甲戌成
進士授許州知州自題館窓云強年始登仕路初試卽
爲大夫許轄四邑地當孔道喟然曰世好縟吾以簡世
好譎吾以直吾不能脂韋養交徒飾廚傳盛標騶折腰

道旁伺上官聲色以爲吏能其或先催科後撫字張弓
李世母乃鳴鼓聖門於是詢疾苦鋤豪右請停不急之
征與民休息諸往來公使橫索郵傳者嚴卻之許有西
湖書院集俊士肄業異等者月餼一金請學使檄一教
職程督而朔望品題之士翕然向風素以強明白任兼
習法令文移皆出已手吏莫從舞文屬邑有二窶人子
素相狎甲爲發貨郎乙遇田閒以嬉鬪傷甲頭痕血流
被面甲仰臥不肯去乙徑荷其擔歸其父大讓責之自
送擔投甲家且謝過焉竟訟於官縣當以強盜得財傷

人律希棡曰律以傷人固當若云強盜得財殊未允協
且其父已還謝獨不可以自首免罪爲人并者開一面
乎竟出其獄會有山西人爲許倅老而墨以前官評左
遷移憾及棡其壻倅開封爲圖報復而開封同知亦其
鄉人嘗以事追兵吏不關提而徑捉之怒希棡執不遣
共嗾於直指直指亦山西人搜求無所得卽以出一死
罪爲詞論劾計泣任十閱月遂報罷曰吾燈窓之事畢
矣餘事付之後人歸而食指星櫛突烟時斷甘貧守寂
課督子孫嘗題於柱曰心裏有天皆白日眼中無地不

青山又顏於門曰家有舊書惟教子門無新事不迎賓
居阜陽山阿土室衡門率兒孫自治農圃漸足資生時
與里中黃鳳翔詹仰庇諸公聯社賦詩酌酒敲棋孝友
敦睦施政於家修族譜置義倉建祖祠葺梅隴阡履濡
橋修霞舒里社築月半洋水壩栽芒叢以障曲溪水患
重新雪峯寺築太湖民堡郡邑廉其名屢邀之竟不得
一晤林居四十五載手不釋卷至老猶能作蠅頭小楷
年九十而終所著有杜詩全集註杜詩選註漢魏詩註
選詩集解文選摘註莊子註騷賦彙草管班存質庾生

彙草拾存零草雪峯誌詠阜陽蘇氏族譜

通志參霞樓藏稿李鹿巢

文集南

安縣志

洪有聲字懋文號穆菴南安人隆慶庚午舉人萬歷甲戌
進士授信陽州牧信陽地磽确又當楚孔道有聲銳意
撫綏不避權豪有許吏曰者藉當道戚屬虐而貪以法
繩之不得肆爲所中謫大同典史州民數百伏闕訟冤
不可得久之轉懷仁令經理互市有方邊人懷之遷蔚
州守再轉豫章維楊郡丞分鎮瓜步瓜州當南北嚙喉
有聲至飭武備增雉堞嚴閘垣保障之功居多晉南工

部郎念母老乞歸一日忽鍵戶自序其生平甚悉以授其子曰吾志在歌詩趣在山水政績在四方立身制行在閭里耳目不欲以德薄處蹇之身煩當世名公鋪張它日其藏此于幽所著詩集藏于家子啓初亦成進士

南安志

留震臣晉江人志淑孫隆慶庚午舉人萬歷甲戌進士授常熟令年方二十九嫺習吏事所定徵科法吏民不得欺隱試童子一依科場法依牌派立東西魚貫無得溷者勵精虔事戴星燃炬疏濬白茆踵周禮荒政役飢民

而厚給其直畚鍤雲集甫告竣而吳中大水漂泊田廬
亡算賴是塘以漸泄之時柄銓者方著久任令震臣在

常熟六年陞刑部主事告病卒于蘇州

闕書

黃師顏字有發號復齋南安人隆慶庚午鄉薦萬歷甲戌

進士授鎮江推官以艱歸服除補寧國平反激揚惠德

孚民兩郡如一日以最薦擢御史奉差巡鹽長蘆以清

峻著聲橐無羨金按雲南無金石邀主爵權遷順慶知

府謫判州事歸家杜門謝絕干謁捐充祀田遺產悉均

諸兄弟厚師友急族誼子毓鎮舉孝廉母上公車過舊